

---

# Euskadiko Lehen Kontingentzia Plana Ukrainaren inbasioagatik lekualdatutako pertsonak hartzeko

Behin-behineko indarraldia, informazio berria izan arte:  
**2022ko martxoaren 10etik 31ra**

Euskadi, 2022ko martxoaren 10a

EUSKO JAURLARITZA



GOBIERNO VASCO

# Aurkezpena

2022ko otsailaren 24az geroztik, Errusiako Gobernuak Ukrainaren inbasio militarra hasi du, gerra-bitartekoekin hedatuta eta inolako justifikaziorik eta probokaziorik gabe. Beste ondorio askoren artean, alde bakarreko eraso hori izugarrikeriatik ihes egiten duten ehunka milaka pertsonaren desplazamendua eragiten ari da. Lehenengo egunetan, gehienak Poloniara, Hungariara, Moldaviara, Errumaniara eta Eslovakiara joan dira. Kopuru txikiagoan, Europako beste herrialde batzuetara eta Errusiarantz ere joan da.

Nazio Batuen datuen arabera, lehen bi astetan soilik, bi milioi pertsona baino gehiago irten dira Ukrainatik. ACNURen arabera, lekualdatutako pertsonen kopurua lau milioitik gorakoa izan daiteke. Mende honetan Europako errefuxiatuen krisi handiena bihur daitekeenaren aurrean gaude.

2022ko martxoaren 3an, Europako Batzordeak argi berdea eman zion 2001/55/EE Zuzentarauaren aplikazioari, eta hurrengo eguneko Europar Batasunaren Aldizkari Ofizialean erabaki betearazle bat argitaratu zuen, argitaratu zen egun berean indarrean jarri zena. Zuzentaria onartu zen “aldi baterako babes emateko gerragatik, indarkeriagatik edo giza eskubideen urraketengatik pertsonak masiboki lekualdatzen direnean”. Hori aplikatzeak Ukrainatik lekualdatutako pertsonen nazioarteko babes aldi baterako eta berehala ematera behartzen ditu estatu kide guztiak, urtebeteko eperako, eta bi urtera arte luzatu ahal izango da.

Babes horrek berekin dakar, Zuzentarauaren III. kapituluaren arabera, bizileku- eta lan-baimena ematea, bai eta honako hauetarako sarbidea ere: aldi baterako babesari buruzko xedapenei buruzko informazioa, uler dezakeen hizkuntza batean; adingabeen hezkuntza, bertakoen eta helduen baldintza berberetan; ostatu egokia edo hori lortzeko bitartekoak; gizarte-laguntzaren eta elikaduraren arloan beharrezkoa den laguntza, baliabide nahikorik ez dutenean; sendatzeko oinarritzko arreta eta gutxieneko tratamendu gisa barne hartuko dituen. Era berean, estatu kideek familia berrelkartzeko betebeharra dute, zenbait kasutan.

Euskadik, Eusko Jaurlaritzak eta euskal erakunde eta gizarte guztiek Ukrainatik datozen errefuxiatuen harreran laguntzeko borondate esplizitua dute. Erabaki hori etikaren eta elkartasunaren printzipioetan oinarritzen da, bai eta gizarte zibilaren eta administrazio publikoen erantzukizun eta erantzunkidetasunaren arau-printzipioetan ere.

Nazioarteko babesaren arloan eskumena duen Estatuko Administrazio Orokorraren erantzuna osatzera bideratzen da euskal erakundeek ekarpena, SAIk (Estatuaren Harrera eta Integrazio Sistema) dituen plazarak nahikoak ez direnean. Eusko Jaurlaritzaren asmoa da Espainiako Gobernuarekin lankidetzara osoa eta leiala izatea, hala eskatzen duten eskumen eta baliabideen esparruan.

Etikaren ikuspegitik, Migrazioarako Euskal Itun Soziala 2019ko azaroaren 30ean sinatu zen, adostasun-maila oso handiarekin –soziala, politikoa eta parlamentarioa–, eta erreferentzia-esparru bat eskaintzen du. Dokumentuak dio, migrazioaren edo asiloaren arloan, printzipio etiko nagusia dela *jaso beharko genukeena eskaintzea*, antzeko egoera batean egonez gero. Munduko edozein pertsona bere lurra uztera behartuta egon daiteke indarra edo gerra dela eta. Gure aurreko askori eta askori gertatu zitzairen. Ikuspegi humanitario hori duintasunaren, elkartasunaren eta unibertsaltasunaren ikuspegian oinarritzen da.

Erantzukizunaren eta erantzukidetasunaren ikuspegitik, euskal erakundeek 2001/55/EE Zuzentaria betetzeko konpromisoa hartzen dugu, baita giza eskubideen nazioarteko zuzenbidearen, nazioarteko zuzenbide humanitarioaren eta errefuxiatuen nazioarteko zuzenbidearen betebeharrak ere.

Kontsiderazioen esparru horretan, dokumentu honek Ukrainaren inbasioaren ondorioz lekualdatutako pertsonak hartzeko Euskadiko Lehen Kontingentzia Plana definitzen du. Azpimarratu behar da "lehen" plana dela eta indarraldi laburra duela, 2022ko martxoaren 10etik 31ra bitartekoa. Hori ohar garrantzitsua da lehen plan honen behin-behinekotasuna ulertzeko.

Une honetan eskuragarri dagoen informazioarekin, ezin da zenbatetsi Euskadira irits daitekeen pertsona-kopurua, ezta zer epetan irits daitekeen ere. Trantsizio-aldi batean gaude, harreraren dimentsioari eta eta Europako zuzentarau horretan aurreikusitakoa betetzeko arbitratuko diren formulei buruz ezagutza zehatzagoa izan arte. Nolanahi ere, informaziorik ez izateak ez du salbuesten giza erantzuna eta erantzun humanitarioa aurreikusita eta hornituta izateko betebeharririk.

Esparru horretan, Lehen Kontingentzia Plan honek premiazko erantzun-azpiegitura bat antolatzea aurreikusten du, zeinak lehenengo hiru asteetarako bi agertoki aurreikusten baititu lekualdatutako pertsonen joan-etorrietarako. Informazio doituagoa eskuragarri dagoen unean, kontingentzia-plan hori, berehala, beharizan berrietara egokituko da.

Lehen Kontingentzia Plan honen edukia Eusko Jaurlaritza koordinatzen ari da foru aldundiekin, EUDELekin eta Erakunde arteko eta Gizarte Mahaia osatzen duten gizarte-erakundeekin eta Ukraina-Euskadi Elkarte Soziokulturala eta Garapen Lankidetzarakoarekin.

## **1. Kontingentzia-plan honen ezjakintasunak eta hipotesiak**

Adierazi den bezala, orain ezinezkoa da Euskadira gutxi gorabehera iritsiko diren pertsonen kopurua aurreikustea, bai eta horiek iristeko egutegia ere. Une honetan, ezin da jakin ehunka pertsonaz ari garen, edo milaka pertsonaz, eta ezin da aurreikusi, ezta ere, horiek aste gutxi batzuetan iritsiko diren, edo hilabete batzuetan zehar gutxiago kontzentratuta eta mailakatuago garatuko diren.

Bestalde, ez dakigu zer mekanismo eta baliabide zehatz artikulatuko dituen Estatuak 2001/55 Europako Zuzentzarua aplikatzeko, Ukrainatik joandako pertsonen aldi baterako babes emateak ematen dizkien eskubideei dagokienez, edo bizirauteko bitartekoak bermatzeko laguntza ekonomikoei dagokienez. Familia-erreferenterik gabeko adingabeak aldi baterako hartzeko estaldura juridiko zehatzik ere ez dago oraindik.

Hauek dira une honetan garbi ez dauden ezezagun nagusiak. Nolanahi ere, eta erantzukizun- eta aurreikuspen-printzipioagatik, eta informaziorik ez badago ere, euskal erakundeek beharrezko baliabideak alde aurretik prest eduki behar dituzte Ukrainaren errusiar inbasioaren ondorioz lekualdatutako eta errefuxiatutako pertsonen harrera duina eskaintzeko. Testuinguru horretan, lehen plan hau diseinatzeko hartutako lan-hipotesiak funtsezko hiru ezaugarri ditu:

- Indarraldi mugatua. Lehen plan honen indarraldia hiru asteko epe laburrerako proiektatzen da, martxoaren 10etik 31ra, aurreikuspenak gertaeren bilakaeraren arabera ebaluatu, berrikusi edo luzatu ahal izateko.
- Behin-behineko aurreikuspena. Plana behin-behinekoa da. Aurreikuspenak eta agertokiak modulagarriak dira. Edozein unetan egokitu daiteke, datuen eta pertsonen etorrera-estimazioen arabera, edo eskura dagoen informazio berriaren arabera.
- Harrera duina. Trantsizioaren lehen aste hauetan ere giza duintasunaren neurriari heltzen zaiola bermatzeko prestatzen da plan hau. Helburu horrekin, premiazko erantzun-azpiegitura bat aurreikusten da, bi agertokirekin: "Lehen agertokia. Harrera baliabide arrunt indartuekin"; "Bigarren agertokia. Harrera baliabide gehigarriekin".

## 2. Lehen agertokia. Harrera baliabide arrunt indartuekin

### 2.1. Lehen agertokiaren deskribapena

·Agertoki horrek lan-hipotesi gisa aurreikusten du lehen aste horietan 500 eta 700 pertsona bitartean iristea.

·Kasu horretan, erantzuna egituratzea aurreikusten da, asilo eta migrazioaren arloan une honetan dauden harrera-baliabideak kontuan hartuta, eta indartzeko mekanismo batzuk ezarrita.

### 2.2. Lehen agertokiko bizitegi-baliabideak

·Agertoki horretarako erabilgarri dauden eta/edo aurreikusita dauden bizitegi-baliabideak honako hauek dira:

-SAIren (Estatuaren Harrera eta Integrazio Sistema) barruan dauden plaza erabilgarriak, zabaltzen direnekin batera. Gizarte-erakunde profesionalizatuek kudeatzen dituzte plaza horiek, hala nola CEAR, Zehar Errefuxiatuekin, Gurutze Gorria, ACCEM edo MPDL erakundeek.

-Irun, Oñati, Tolosa eta Berrizko zentroetako baliabideak, beren gaitasunak ahalik eta gehien zabalduz, hasiera batean 200 pertsonari harrera egin diezaieketenak.

-Horrez gain, Alokabidek eta EUDELeK identifikatuko dute zenbat etxebizitza erabil daitezkeen berehala, eta beharrezkoa balitz, Ukrainatik joandako pertsonen harrera egiteko.

-Osagarri gisa, euskal gizartearen elkartasunak borondatez eskainitako etxebizitzak batuko dira.

-Etxebizitza-baliabide gehigarri bat Euskadin bizi diren eta senideak, hurbilekoak edo Ukrainatik etorritako beste pertsona batzuk hartzeko asmoa duten jatorri ukrainarreko familiek eskaintzen dutena da.

-Lekualdatutako inor gau bakar batean ere aterperik gabe gera ez dadin, Eusko Jaurlaritzak euskal hotel eta ostatuetan ostatu hartzeko aurreikuspena egingo du, hasiera batean zazpi egun arteko egonaldia eskaintzeko. Lehen agertokian uste da epe hori nahikoa izan daitekeela bizileku egonkorra aurkitzeko. Kasuren batean ezin bada epe hori luzatu ahal izango da.

### 2.3. Lehen agertokiko laguntza- eta babes-zerbitzuak

·Hartutako pertsonen laguntza osoa emateko zerbitzuak ohiko bitartekoen bidez bideratuko dira, bai SAIko plazak kudeatzen dituzten gizarte-erakunde profesionalizatuen bidez, bai udaletako oinarrizko gizarte-zerbitzuen bidez, foru-aldundien, Eusko Jaurlaritzaren eta hirugarren sektoreko gizarte-erakundeen laguntzarekin.

### 2.4. Koordinazio-, informazio- eta arreta-esparrua

·Agertoki horretako koordinazio-esparrua asiloaren arloko Erakunde arteko eta Gizarte Mahaia da, Eusko Jaurlaritzako Berdintasun, Justizia eta Gizarte Politiketako Saileko Migrazio eta Asilo Zuzendaritza buru duena. Euskal herritarrengandik sortzen diren boluntariotza-ekimenak koordinatzeko eta antolatzeko, errefuxiatuak@euskadi.eus helbide elektronikoa gaitu da, Zehar Errefuxiatuekin harremanetan kudeatzen ari dena.

·Bestalde, Eusko Jaurlaritzak, Gurutze Gorriarekin lankidetzan, telefono bat gaituta edukiko du, bai eta aurrez aurreko zerbitzu bat ere, hiru euskal hiriburuetan, Euskadira joaten diren ukrainarrek behar duten informazioa eta arreta emateko.

## 3. Bigarren agertokia. Harrera baliabide gehigarriekin

### 3.1. Bigarren agertokiaren deskribapena

·Agertoki horren lan-hipotesiaren arabera, lehen aste horietan 700 eta 1.500 pertsona bitartean iritsi ahal izango dira kasurik baxuenean, eta 1.500 eta 3.000 artean edo gehiago kasurik altuenean. Iritsieren aurreikuspena 500 pertsonatik gorakoa denean, eta goranzko joera argiarekin aktibatuko litzateke.

·Bigarren agertokian, lehen agertokian gaitutako baliabideak edukitzeaz gain, abegi-baliabide gehigarri batzuk zabalduko lirateke, bai bizitegikoak, bai laguntzakoak eta zerbitzukoak.

### 3.2. Aurreikusitako baliabide gehigarrien deskribapena

#### 3.2.1. Itzultzaile boluntarioen sarea sortzea<sup>1</sup>

Ukrainatik datozen eta Euskadin bizi diren pertsonen egingo zaie borondatezko itzultzaileen sare batean izena eman dezaten. Sare hori eskualdeka egituratuko da, laguntza behar duten udaletako gizarte-zerbitzuekin eta sortzen diren zerbitzuekin lankidetzan aritzeko. Biltzen Integraziorako eta Kultura arteko Bizikidetzarako Zerbitzua arduratuko da sare hori antolatzeaz eta haren eraginkortasuna errazteaz. Halaber, Biltzenen ardura izango da informazio-liburuxkak egitea eta argitaratzea itzulita, desplazatuei laguntzeko eta orientazioa emateko.

#### 3.2.2. Informazio-zerbitzua aireportuan, tren-geltokietan eta autobusetan

Loiuko aireportuan, bai eta hiriburuetako eta Irungo autobus- eta tren-geltokietan ere, hasierako informazio- eta harrera-sistema bat ezarriko da Ukrainatik etorriko diren pertsonen etorrera espero den egun eta ordutegietan. Zerbitzu hori Gurutze Gorriaren, Ertzaintzaren eta Babes Zibilaren arteko lankidetzaren protokolo baten bidez emango da. Baliabide horrek pertsona horiek hiru hiriburuetan kokatuko den hasierako harrera- eta orientazio-zerbitzura eramatea erraztuko du.

#### 3.2.3. Hasierako harrera- eta orientazio-zerbitzua

Hiru lurralde historikoetako hiriburuetako bakoitzean bulego bat sortuko da Ukrainatik iristen diren lekualdatuei harrera eta orientazioa emateko. Zerbitzu hori Eusko Jaurlaritzak emango du, Gurutze Gorriarekin eta Ukraina-Euskadi elkartearekin lankidetzan. Zerbitzu horren xedea izango da lekualdatutako pertsonen larrialdiko bizi biderako sarbidea erraztea eta informazioa eta aholkularitza eskaintzea, iristen direnean eta hurrengo egunetan, lasaitasunerako eta atsedenerako nahiak izango direnak, eman beharreko hurrengo urratsak eta, hala badagokio, aldi baterako babes-estatututik eratorritako estaldurak lortzeko behar den prozedura zehatz-mehatz ezagutzea barne. (Mekanismo hori indarrean egongo da Estatuko sistemak ondorio horietarako prozedura espezifikorik ezartzen ez duen bitartean edo Harrera eta Integrazio Sistemako lehen harrerako baliabideak osatu edo indartu behar diren bitartean)

#### 3.2.4. Larrialdiko lehen ostatua

Bigarren agertokian, bigarren agertokian, larrialdiko ostatua une bakoitzean dauden ostatu-baliabideen bidez eskaini ahal izango da, eta ostalaritza-establezimenduetan ostatuz osatuko da. Ildo beretik, Eusko Jaurlaritzak euskal hotel eta ostaluetan ostatu hartzeko aurreikuspena egingo du, hasierako egonaldia hamabost

---

<sup>1</sup> **OHARRA:** Baliabide hau eta hasierako harrera- eta orientazio-zerbitzua (3.2.3) 1. agertokian ere erabiliko dira.

egunekoa izan dadin. Bigarren agertokian uste da epe hori nahikoa izan daitekeela bizileku egonkorra aurkitzeko. Kasuren batean ezin bada epe hori luzatu ahal izango da.

### **3.2.5. Hasierako laguntza-zerbitzua eta bizileku egonkorreko irtenbidearen identifikazioa**

Hoteletako egonaldiaren lehenengo egunetan, harreran hartutako pertsonak CEAR, Zehar Errefuxiatuekin, Gurutze Gorria, ACCEM, MPDL, Caritas eta Ellacuría Fundazioa taldeek bisitatuko eta lagunduko dituzte; eta talde horiek prestatutako bitokien arabera banatuko dute beren lana. Eusko Jaurlaritzak zerbitzu hori garatzeko protokolo bat ezarriko du. Protokolo horren eginkizun nagusia pertsona horiek etxebizitza batera eramateko prestatzea izango da. Etxebizitza horrek bizileku-irtenbide egonkorra izan behar du pertsona horientzat. (Mekanismo hori indarrean egongo da Estatuko sistemak ondorio horietarako prozedura espezifikorik ezartzen ez duen bitartean edo Harrera eta Integrazio Sistemako lehen harrerako baliabideak osatu edo indartu behar diren bitartean)

Larrialdiko lehen bitokitik bizileku-irtenbide egonkor batera aldatzeko, pertsona horiek kokatuta egon daitezkeen udalerrietako udaletako gizarte-zerbitzuekin koordinatuta egin beharko da. Bizitoki-irtenbide egonkorra hiru motatakoa izan daiteke: senideen edo hurbilekoen etxebizitzak, erakundeek ezarritako etxebizitzak eta gizarteak eskainitako etxebizitzak.

### **3.2.6. Ukrainar senide edo hurbilekoekin bizileku egonkorra izatea**

Ukrainatik lekualdatutako pertsona asko Euskadira berriz elkartzeko eta senideen edo hurbilekoen etxebizitza batean ostatu hartzeko asmoarekin iristea aurreikusi daiteke. Puntu honetara arte deskribatutako zerbitzu guztiak pertsona horiei ere eskaini ahal izango zaizkie, hala nahi badute edo behar badute. Nolanahi ere, kasu horietan, hasierako laguntza-zerbitzua ematen duten gizarte-erakundeen lehentasunezko helburua pertsona horiek Euskadiko erreferenteekin ahalik eta lasterren harremanetan jartzea izango da.

Bizitoki-irtenbide horrek, jakina, ez du baztertzen 2001/55/EE Zuzentarauaren arabera pertsona horiei dagozkien gainerako zerbitzuak ematea. Horregatik, funtsezkoa izango da gizarte-erakunde arduradunek harremanetan jartzea pertsona iritsi berriak hasierako harrera- eta orientazio-zerbitzuekin.

### **3.2.7. Bizitoki-irtenbide egonkorra erakundeen ekimenez**

Eusko Jaurlaritzak, Alokabideren bidez, alde batetik, eta udalek, bestetik, Ukrainatik datozen pertsonak eta familiak hartzeko etxebizitzak poltsa bat sortuko dute. Poltsa horri foru aldundiek eskain ditzaketen beste bizitoki-baliabide batzuk ere gehitu ahal izango zaizkio. EUDELe koordinatuko du udalen etxebizitza-eskaintza.

### **3.2.8. Bizitoki-irtenbide egonkorra, gizarte-eskaintzaren bidez**

Posible da herritarren elkartasunetik errefuxiatuak hartzeko etxebizitzak eskaintzak sortzea. Hasiera batean, informazio hori Eusko Jaurlaritzako Migrazio eta Asilo Zuzendaritzan jasotzen da, helbide elektroniko honen bidez: [errefuxiatuak@euskadi.eus](mailto:errefuxiatuak@euskadi.eus). Eusko Jaurlaritzak era horretako eskaintzak egiten dituzten pertsonak edo erakundeak harremanetan jarriko ditu etxebizitzak dauden udalerrietako udalekin.

Udalerrri bakoitzeko etxebizitzak eskuragarritasunari buruzko informazio hori hasierako laguntza-zerbitzua ematen duten gizarte-erakundeei jakinarazi beharko zaie. Etxebizitza horiek hutsik edo okupatuta egon daitezke, baina kasu guztietan espazioari, bizigarritasunari eta bizikidetzak bideragarritasunari buruzko baldintzak bete beharko dituzte erabilera horretarako erabili ahal izateko.

### **3.2.9. Familian erreferenterik ez duten adingabeentzako eta egoera ahulean dauden pertsonentzako arreta**

Foru aldundiek, inplikaturako udalekin eta gizarte-erakundeekin koordinatuta, kalte-beratasun-egoeran dauden pertsonen eta familia-erreferenterik gabe Lurraldera iritsitako adingabeen balorazioa egingo dute, eta azken hauen behin-behineko zaintza eta tutoretza hartuko dute beren gain, harik eta behar bezalako bermeekin arautzen diren arte kontingentzia horretarako forma espezifikoak.

### **3.2.10. Udal Gizarte-Zerbitzuen arreta**

Pertsonak edo familiak bizitzeko irtenbide egonkor batean kokatu ondoren, Udal Gizarte-zerbitzuek ohiko erreferente gisa jardungo dute haien gizarteratzerako, eta hasierako harrera- eta orientazio-zerbitzuen (3.2.3) eta, hala badagokio, foru aldundien eta erreferente gisa jarduten ari diren hirugarren sektore sozialeko erakundeen beharrezko laguntza izango dute.

### **3.2.11. Bizitzari eusteko laguntza ekonomikoa**

Biziraupena bermatzeko oinarrizko laguntza ekonomikoa behar dutenei bermatzeko Estatuak erabiliko duen mekanismoa zehaztuta ez dagoen bitartean, Eusko Jaurlaritzak akordio bat egingo du arlo horretan esperientzia duten gizarte-erakundeekin, laguntza horiek behar dituzten pertsonen eta familiei helarazteko.

Laguntza horiek udalerrri bakoitzeko udaletako gizarte-zerbitzuekin koordinatuta bideratu beharko dira. Laguntza hori emateko, pandemian zehar abian jarritako Azken Sarea Indartzen programa hartuko da erreferentziazat.

### **3.2.12. Elkartasunaren artikulazioa eta antolamendua**

Iritsi berriek, erakundeek eman diezazkieketen zerbitzuez gain, gizarte-babesa ere beharko dute, eta estaldura hori, gutxienez, hiru norabidetan bideratu beharko da: (1) lekualdatutako pertsonen laguntza, konpainia eta giza beroa ematea, (2) hizkuntza ikasten laguntzea, eta (3) beren bizitza-ingurune berrira ohitzen laguntzea, bai zerbitzuen, saltokien edo garraioen erabileran, bai aisialdirako, autonomiarako edo gizarte- eta lan-egokitzapenerako aukeren ezagutzan.

Gizarte-laguntza hori udalerrri bakoitzean boluntario-taldeak sortuz antola daiteke, udalerrri horretan bizi diren familientzako erreferentzia-puntu gisa eskaintzen direnak. Boluntarioen talde horiek itzultzaile boluntarioen sarearekin konektatu beharko dira.

Berdintasun, Justizia eta Gizarte politiketako Sailak hartuko du bere gain elkartasun horren antolaketa operatiboa, eta, erreferentzia gisa, "Guztion artean" esperientzia hartuko du. Pandemiaren lehen olatuan garatutako lankidetzaren publikoaren eta sozialaren esperientzia positiboa.

## **3.3. Koordinazio-esparrua**

·Bigarren agertoki honetarako aurreikusitako zerbitzu osagarri guztien koordinazio tekniko eta operatiboa Berdintasun, Justizia eta Gizarte Politiketako Sailak gidatutako talde batek hartuko du bere gain, Lehendakartzaren laguntzarekin. Talde horren koordinazio-eremua Erakunde arteko eta Gizarte Mahaia izango dira inplikaturako erakunde eta entitate sozial guztiekin.

## **4. Aldi baterako nazioarteko babesetik eratorritako bizileku- eta lan-baimenak izapidetzea**

Bere baliabideen eta aukeren neurrian, Eusko Jaurlaritzak martxoaren 9ko PCM/169/2022 Aginduan Ukrainatik joandako pertsoneri eta Estatuko administrazioari ezarritako izapideetan eta prozeduretan lagunduko die “Ukrainako gatazkak eragindako pertsonen aldi baterako babesak aitortzeko”.

## **5. Beste baliabide batzuk prestatzea**

### **5.1. Lehen harrerako bizitoki kolektibo gehigarriak identifikatzea**

Aurreikus daitezkeen kontingentzien artean, horietako bat da Ukrainatik datozen pertsonen kopurua egun batean, bitan edo hirutan kontzentratu ahal izatea, aurreikusitako ostatu-gaitasunak gainezka egin arte. Kasu horretan, gure lurraldean dauden aukerak identifikatu behar dira, bai titulartasun publikoko egoitzetan, bai zerbitzu hori bera eman dezaketen erakunde erlijiosoetan edo bestelakoetan.

Berdintasun, Justizia eta Gizarte Politiketako Saileko eta Lehendakarietzako talde mistoak, erantzun-egoera horren koordinazio teknikoa eta operatiboa bere gain hartzen duenak, identifikazio-lan hori egingo du, eta, hala badagokio, baliabide horiek prestatuko ditu.

### **5.2. Laguntzeko gaitasuna duten beste erakunde edo entitate batzuekin koordinatzea**

Berdintasun, Justizia eta Gizarte Politiketako Saileko eta Lehendakarietzako talde berak, koordinazio teknikoa eta operatiboa bere gain hartuta, laguntza emateko gaitasun handia duten beste erakunde edo entitate batzuekin komunikatzen jarraituko du. Ildo horretan, honako hauek nabarmendu behar dira, gutxienez:

- Txernobilgo hurrak hartu izan dituzten euskal familien lau elkarteekin koordinatzea, bai eta Ukraina-Euskadi Elkarte Soziokulturala eta Garapen Lankidetzarakoekin eta Euskadiren eta Ukrainaren arteko komunikazioa eta lankidetzaz errazten duen beste edozeinekin ere;
- ACNUR, UNICEF, Save the Children erakundeekiko eta Ukrainako mugaldeen toki bertan lanean ari diren Euskadiko GGKEen Koordinakundeko gizarte-erakundeekiko harremana;
- Euskadiko Eliza Ortodoxoaren eta Katolikoaren ordezkarietzekiko harremana;
- Elikagaien bankuak dinamizatzen dituzten erakundeekiko eta Euskadin presentzia duten merkataritza- eta banaketa-zentro handiekiko harremana;
- Eta egokitzat eta beharrezkotzat jotzen den beste edozein harreman.